

## FPT Ministait Taiguagakhaq

- Ublua:** July 20<sup>mit</sup> – 22<sup>mut</sup>, 2016
- Atinga:** Ukiumi Katimadjutikhaq Kaanatami-Qablunaat  
Nunagiyangani-Avikturhimayuni Ministauyut Ministait  
Tugliangallu of Nunami Naupkainiqmut
- Havakvinga:** Pivalliyuliyikkut Ingilrayuliyiyitkullu
- Ilauyut:**
- Monica Ell-Kanayuk, Ministauyuq
  - Nicole Camphaug, Ministaup Ikayuqtinga
  - Lou Kamermans, Atan'nguyauyuq Avatiliriniqmut  
Ihivriuqniq Maligaliriniqmullu

### Nunavunmi Qanuriliurutingit:

Nunavut Kavamanga angiqtait tamna *Calgary Taiguagakhaq* niriuktullu ilauninnganik piliuriami akhuurutauyuq hivulliutigiyakhat piliurhimayuq aipaanut nunamit nauhimayut maligaq tunngavinganik, angmaqniaqtuq April 2018mi.

### Tadja Qanuriliurutauyuq:

Kaanataup kaanatami, qablunaat nunagiyangani, avikturhimayunilu (FPT) Ministait Nunami Naupkainiqmut iniqtait ukiumi katimadjutinga Ministainnut tuniyuq taafumanik *Calgary Taiguagakhaq* — pitqutigiquplugu angiqatigiikniqmik Ministainnut piyuq uumunnga akhuurutauyuq hivulliutigiyakhat piliuriami aipaanut nunamit nauhimayut maligaq tunngavikhangani, angmaqniaqtuq April 2018mi.

Ministait uqaqtait angikliyuumiqtuq niuvvaavikmi piarialik pivallianiq, hivumuuqtuq piqutingit nalunaqtunik naunaiyainiq, nutaanguqtiriniq ihivriuqniqlu, ihariagininninga hakugiktumik nalunaqtunik naunaiyainiq pihimayut munariniqmut tunngavinga, pipkaidjutiyuq inuknut ukpiriniq, akhuuqhimmaaqtuq Havaamut Qayangnautinga Munarini pinahuarutit qanuriliurutingillu (tamayanganiq munariniq), nutaangurhimayuqlu akhuurninninga avatiliriniqmut nunguttailiniq unalu hilaup aadlangurninninga.

Ministait uqaqtaillu akhuurutininninga piqaqtumik ingilradjutimut taimaa Kaanata nakuuyumik pipkaidjutigiami uumunnga Nunami Naupkainiqmut nunamit piinariaaqihimayuq havaamut, paqillunilu naittunik akuniraalukmullu ihuarhaidjutikhat havaamut ihariagiyanginnik. Akhuurninninga qanirittaakhaanik Kaanatamiutat aadlanit nunanit aggidjauyut hunavaluit (himmautinga naunaitkutinit) akhuuqtumik munariyauyut kitunut tamaita niqit naunaiqtauyut.

Hivituyumik akhuurutaukmat Nunavunmut ilaliutihimmaaqtuq tunngavingani piliurninnga ilitariyaukkut uqaqatigiikniqmik. Imarmi nauhimayut, nunami unalu/unaluuniit tariuqmi ittut, piyauyut “nunamit nauhimayut” piinarialik manikharniqmut pinahuarutit ilauyut aippaani tunngavingani hivullitigiyauniaqtuq.

### **Talvannga Piyakhat:**

- FPT Ministait tadjja havaqatigiiktut piliurninnganik aippaanik nunamit nauhimayut maligakhanik tunngavinga, angmaqniaqtuq 2018mi.
- Ministait tuniyait Calgary Taiguagakhaq July 22mi, 2016 naunaiqtaa hivuliq qanurittaakhainnik hivullitigiyaqhalla naunaiqniaqtaa piliurninnga aippaanik tunngavinganik.
- Tamna Calgary Taiguagakhaq ilitariyait aadlatqiinik ilanganik akhuurninnganiklu ihuarniq kiugiami aadlangurninnganut ihariagiyanginnik.
- Ilauluni tigumiaqtuuqatauyunut piliqtait atulihaaliqmat 2016 aadlamiklu uqaqatigiiliqtut pihimmaaqtuq qakugu tatqirhiutimi katitiriamik qanuqtut ihumagiyamiknik ikayuqniaqtuq naunaipkariami qakugu nunamit nauhimayunik pinahuarutingit havaangillu.
- Ministait akhuuqtut hakugiktitauyumik ihumagilluaqtamiknik qanurittaakhaanik ihuarhimmaaqtuniklu maliganik pinahuarutimullu tuniqhainnnganut.

**Ilaliutihimayut:      Katimadjutikhaq  
   Tuhaqtipkaidjut**

---

**FPT Ministait Taiguagakhaq Maligaliurvikmut**